

Groth, Klaus: 3. Schippers Brut (1859)

- 1 Kumm mit, dat graut int Osten,
- 2 Kumm mit, un mak doch to!
- 3 »ik kann ni gan, ik kann ni stan,
- 4 Min Hart dat kloppt mi so!«

- 5 Ik dręg di oppen Armen,
- 6 Ik dręg di bet ant Boot!
- 7 »wat schall min arme Moder seggn,
- 8 De weent un schriggt sik dot!«

- 9 Din Moder ward sik trösten,
- 10 Din Vader is to hart!
- 11 Ik will din Vader un Moder węn,
- 12 Bet he mal anners ward.

- 13 »ik kann ni vun di laten,
- 14 Keen Annern bün ik gut!«
- 15 So dręg ik di op beide Hann'
- 16 Bet ut de Welt herut!

- 17 Ik heff min Boot int Water,
- 18 Ik heff min Schipp in See,
- 19 Ik heff min Leefste in min Arm:
- 20 Min Vaderland, ade!

(Textopus: 3. Schippers Brut. Abgerufen am 23.01.2026 von <https://www.textopus.de/poems/56577>)